

EAE-KO HAUTESKUNDE KANPAINA ABIAN. Jaime Mayor Oreja lehendakari bada, ETAk gogorrago joko duela adierazi zuen atzo Arzalluzek. EHk Mayor Orejaren «inoizko porrot handiena» eragingo duela esan zuen, aldiz, Arnaldo Otegia.

Arzalluz: «Mayor Orejak sumindura eta biolentzia gehiago ekarriko du»

EBBko lehendakariak dio PPk eta PSEk ezingo dutela Jaurilaritza eratu boto nahikorik ez dutelako izango

GERNIKAKO BONDARDAKETAREN URTEURRENA

Agentziak | GASTEIZ



JOSU ETXEBARRIOSTE

Juan Jose Ibarretxe eta Juan Mari Atutxa, atzo, Gernikako hilerrian egindako lore eskaintzan.

Ibarretxek galdetu dio Madrilgo Gobernuari zergatik ez dion Gernikari barkamena eskatu

Juan Jose Ibarretxe EAEko lehendakariak Madrilgo Gobernuari galdetu dio ea zergatik ez dion barkamenik eskatu Gernikako herriari. Ibarretxek uste du Espainiak bere egunean Alemaniak egin zuen keina egin behar duela, hau da, barkamena eskatu behar diela Gernikari eta euskal herritarrei.

Lehendakaria Gernikan izan zen atzo, bombardaketaren 64. urtemugaren ekitaldietan. Bakea eta barkamena lotuta datozela azpimarratu zuen Ibarretxek. «Bakeak barkamena eskatzen du, egin den minaren aitortza; bizikidetzat tolerantzia delako», adierazi zuen.

Alemaniko Gobernuak hala ulertu zuen, Ibarretxek adierazi zuenez, eta barkamena eskatu zion Gernikari. «Gernikari aspaldi eskatu zion barkamena. Eta ez naiz oker ibiliko esaten badut sarraski hura jasan zutenek ulertu eta barkatu diotela. Zergatik ez dio oraindik barkamenik eskatu Gernikari Espainiako Gobernuak?», galdetu zuen lehendakariak.

Ibarretxek, halaber, gogora ekarri zuen barkamena egiteko eskatu zutela bonbardaketa jasan zutenek. «Uste dut bidezkoa dela esatea Gernika ez zutela sutan jarri euskal gorri independentistek. Gizatasun seinala litzateke, eguneroko bizitzarako

behar dugun seinala. Are gehiago bizi ditugun egunak aintzat hartuta», esan zuen lehendakariak.

Bakearen ikur modura aurkeztu zuen Gernika Ibarretxek, «jasanarazi zioten tragediarengatik». Eta gehitu zuen: «Gernika beti zerbait gehiago izan da euskaldunontzat. Gure historiaren ikurra da, gure autogobernuarena. Halaber, gure gizartea ulertzeko, justizia egiteko eta gizasemeak libre eta eskubideekin jaiotzen direla gogoratzen digu Gernikak».

Gernikako Juntetxean bonbarik ez zela erori ekarri zuen gogora Ibarretxek. «Franco ez zen hainbeste ausartu», esan zuen, eta iragana gogoratzeak duen garrantzia nabarmendu zuen: «Gogoratu behar dugu berriro ez errepikatzeke». Egoera hark esan nahiko luke, gainera, biolentziarekin ez dela ezer lortzen.

Jaime Mayor Oreja PPko hautagaia EAEko lehendakari bada, orduan biolentzia eta sumindura gehiago izango da euskal gizartean, Xabier Arzalluzek atzo iragarri zuenez. «Mayorrek ez du bakea ekarriko; aitzitik biolentzia gehiago ekarriko du. Izan ere, ETAk pentsatuko du argudio gehiago duela atentatuak egiteko. Horregatik, gobernatzen badu, herri honek zailago izango du, entseiatzen dituen bideek sumindura areagotzen dutelako», adierazi zuen Arzalluzek, ETBri egindako adierazpenetan.

Hauteskunde hauetan biolentziaren amaiera jokoan dagoela diotenei ez die garrantzirik ematen EBBko lehendakariak. Are gehiago, uste du datozen lau urteotan ez dela aurrerapen nabarmenik izango. «Datozen lau urteotan ez da egoera erabakigarrikerik izango. Nahi nuke nik izatea!», esan zuen.

Bost urte eskatu ditu Mayorrek ETA gailentzeko. Arzalluzek, ordea, ez dio jaramonik egin PPko lehendakariari. Haren esana deitoratu du eta sinisgarritasuna kendu dio: «Orain beste bost urte behar dituela dio, bost urteko plana baltz bezala. Gainera, ulertzer eman nahi du ETA amaitzeko gakoa Ertzaintza dela, eta hori ez du inork sinisten».

Su-etena hautsi zenetik, ETAk atentatu gehienak —ia bi aldiz gehiago— EAetik kanpo egin dituela esan zuen Arzalluzek. Hori Mayorren aurkako akusaziotzat jo zuen. «Zer dio Ertzaintzari buruz? Non dago Frantziatik lan egiten duen Guardia Zibila edo Polizia?».

Zalantzak PP-PSE aukerari buruz

Jaurilaritza eskuratzeko popularraren eta sozialisten arteko aliantza iragarri dute bi alderdiek. EBBko lehendakariak, hala ere, uste du ez dutela boto nahikorik lortuko. «Ezinezkoa iruditzen zait PPk eta PSE-EEK bat egitea. Zalantza asko ditut, nahiz